

ներ է այնտեղ և հանգուցյալի նայիբից ընդունել է «Հերք և Զրաբերդ ամրոցները, որոնք մտնում էին Առանի դավառների մեջ»¹⁷: Այսպիսով, ան-Նասավիի տեղեկությունը ևս խոսում է այն մասին, որ Հերք (Հերքան) բերդը գրտնրվում էր Աղվանքում, ենթադրելի է Զրաբերդի հարևանությամբ¹⁸, և 1227—1228 թթ. պատկանում էր Գանձակում Զալալ ալ-Գինի նշանակած կառավարիչին¹⁹:

Հերք գավառի տեղադրությունը, գեթ մոտավոր ճշտությամբ, որոշելու տեսակետից արտակարգ արժեքավոր տեղեկություն է հաղորդում ժն դարի առաջին կեսի հայերեն հիշատակարաններից մեկը. «Սայ էր (ձեռագրի պատվիրատու Առաքելը—Հ. Մ.) բնական ի Հերգա գաւառէ, ի նահանգէ Առանա, ի քաղաքէ Բարտաւա, ի գեաւղջէ, որ կոչի Պարիս»²⁰: Այսպիսով, ձեռագրի գրիչը Հերք գավառը տեղորոշում է Պարտավ քաղաքի մերձավոր հարևանությամբ, ուստի ենթադրելի է, որ Հերք գավառը ժն դարում (ենթադրելի է՝ նաև ժն—ժԳ դդ.) մոտավորապես համապատասխանում էր «Աշխարհացոյց»-ում իբրև Ուտիքի ութերորդ գավառ հիշատակված Ուտի Առանձնակին, «յոբում Պարտաւ քաղաք»²¹: Սակայն Պարիս գյուղանվան և Մխիթար Գոշի «Աղվանից ժամանակագրությունում» հիշատակված որոշ տեղանունների զուգադրությունը անցյալ դարի տեղագրական աշխատություններում արտացոլված միկրոտեղանունների հետ, թվում է, կարող է առավել ճշգրտել Հերք գավառի և Հերք (Հերքան) բերդի տեղադրությունը: Մակար Բարխուդարյանը Արցախի Գյուլիստան գավառում նկարագրում է «Հին-Պարիս անբալ գիւղատեղի, հանգստարան և եկեղեցի»²², շմոռանալով նշել, որ «հնուց մի և անբաժան եղած են Զրաբերդ և Կիւստան գաւառներս»²³: Նույն հեղինակը «Զրաբերդ գաւառի շարքում» նկարագրում է «շէն և անբալ տեղեր», որոնք մելիքությունների սկզբնավորումից հետո անցել են Գյուլիստանի մելիքությանը²⁴: Այդ տեղանուններից հատուկ ուշադրության է արժանի «Հոռեկայ

¹⁷ Шихаб ад-Дин Мухаммад ан-Насави, Жизнеописание султана Джалал ад-Дина Манкбурны. Перевод с арабского, предисловие, комментарии, примечания и указатели З. М. Буннатов, Баку, 1973, с. 204.

¹⁸ Այս հիմամբ է միայն Զ. Բունիատովը Հերք ամրոցը տեղորոշում Լեռնային Ղարաբաղի Մարտակերտի շրջանում, տե՛ս ան-Насави, նշվ. աշխ., էջ 384, ծ. 4: Իր կարծիքը նա ուրիշ ոչնչով չի փաստարկում:

¹⁹ Զալալ ալ-Գինի բացակայում էր Անդրիովկասից 1227 թ. վերջից մինչև 1228 թ. երկրորդ կեսը, ուստի Շարաֆ ալ-Մուլքի ձեռնարկումները, որոնք նկարագրում է ան-Նասավին (տե՛ս ան-Насави նշվ. աշխ., էջ 199—215) թվագրվում են 1227—1228 թթ., տե՛ս The Cambridge History of Iran, vol. 5, Cambridge, 1968, ք. 329—332:

²⁰ «Ժն դարի հայերեն ձեռագրերի հիշատակարաններ», մասն Ա (1401—1450), կաղմեց Լ. Խաչիկյան, Երևան, 1955, էջ 205: Ա. Հովհաննիսյանը կարծում է, որ «Հերգա»-ն կարելի է նույնացնել Ֆրիկի տաղերից մեկի «շատ մի դատեցա... ի Հարգա» արտահայտության տեղանվան հետ և այդ հիման վրա նորովի լուսաբանել բանաստեղծի կենսագրությունը (տե՛ս Ա. Հովհաննիսյան, Ֆրիկը պատմա-քննական լույսի տակ, Եր., 1955, էջ 112—116): Քննվող տեղանունների հեշտությամբ վերականգնվող ուղղական հոլովածների («Հերգ»-«Հարգա») համեմատությունը, սակայն, ստիպում է լրջորեն կասկածի տակ առնել առաջարկվող նույնացման հնարավորությունը: Ավելի հավանական է թվում «Հարգա»-ի ներքո Կրիկիայի Հաջըն (Հաճըն) քաղաքը նկատի ունենալու մասին վարկածը, տե՛ս Ա. Ղաևալաբյան, Ֆրիկի կյանքն ու ստեղծագործությունները, «Ֆրիկ» (ժողովածու), Եր., 1937, էջ 29, Ֆրիկ, Բանաստեղծություններ, կաղմեցին Մ. Մկրյան և Ե. Թորոսյան, Երևան, 1941, էջ 11, Ֆրիկ, Դիան, ի լոյս լնծայեց Տիրալը աբեպիսեպոյոս, Նյու-Յորք, 1952, էջ 30—31:

²¹ Տե՛ս Ա. Երևմյան, Հայաստանը ըստ «Աշխարհացոյց»-ի, Եր., 1963, էջ 109:

²² Մ. Բարխուդարյան, Արցախ, Բաքու, 1895, էջ 250:

²³ Նույն տեղում, էջ 240:

²⁴ Նույն տեղում, էջ 231: